

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-2127-2/16

Datum, 07. 06. 2016. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Službeni glasnik općine Srebrenik“, broj: 10/15), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-2127-1/16 od 07.06.2016. godine, u postupku javne nabavke kompleta GPS opreme, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-2127-1/16 od 07.06.2016. godine i Ugovor za javnu **nabavku kompleta GPS opreme**, dodjeljuje se ponuđaču "**GeoWILD**" d.o.o. **Sarajevo**, ponuda broj: 048/16 od 25.05.2016. godine, za ponuđenu cijenu od **16.965,00 KM sa PDV-om** kao prihvatljivu.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 07-2127/16 od 17.05.2016. godine.

Javna nabavka je sprovedena Konkurentskim zahtjevom za dostavu ponuda broj: 07-2127/16 od 17.05.2016. godine.

Procijenjena vrijednost javne nabavke bez PDV-a je 21.367,51 KM.

Objavještenje o nabavci broj: 761-7-1-61-3-24/16 poslato je na objavljivanje dana 18.05.2016. godine, a objavljeno je na Portalu javnih nabavki dana 18.05.2016. godine.

Komisija za javnu nabavku imenovana je Rješenjem broj: 07-2127/16 od 20.05.2016. godine.

Ponude po Konkurentskom zahtjevu za predmetnu nabavku su dostavili sljedeći ponuđači:

1. "Geodata" d.o.o. Jajce, u ukupnom iznosu od 13.500,00 KM bez PDV-a,
2. "Gauss" d.o.o. Tuzla, u iznosu od 21.995,00 KM bez PDV-a, i sa ponuđenim popustom od 10% (2.199,50 KM),
3. "BNpro" d.o.o. Sarajevo, u ukupnom iznosu od 16.812,00 KM bez PDV-a,
4. "GeoKOM" d.o.o. Sarajevo, u ukupnom iznosu od 17.951,30 KM bez PDV-a, i
5. "GeoWILD" d.o.o. Sarajevo, u ukupnom iznosu od 14.500,00 KM bez PDV-a.

U prvom dijelu rada Komisije, konstatovano je da je, blagovremeno, pristiglo pet pravilno zatvorenih ponuda. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponude ponuđača "**Geodata**" d.o.o. **Jajce**, Komisija je konstatovala da ista nije potpuna iz razloga što ponuđač nije numerisao strane ponude kako je propisano u tački IV.

Podaci o ponudi (Način izrade ponude) predmetne tenderske dokumentacije.

Iz gore navedenog razloga, odbacuje se ponuda ponuđača "Geodata" d.o.o. Jajce kao neprihvatljiva.

Pregledanjem ponuda ponuđača "Gauss" d.o.o. Tuzla, "BNpro" d.o.o. Sarajevo, "GeoKOM" d.o.o. Sarajevo i "GeoWILD" d.o.o. Sarajevo, Komisija je konstatovala da su iste potpune tj, da su dostavljeni svi dokazi i da svi zadovoljavaju zahtijevane kvalifikacione uslove, te su iste prihvatljive za dalje razmatranje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 5x,
2. Evidenciji,
3. Arhivi.


OPĆINSKI NAČELNIK
Dr. sci. Nihad Omerović